

Broj: 03/11-029-2/26

Dana: 22.08.2026.godine

Bosanska Krupa

RADIO BOSANSKA KRUPA

PREDMET: OBAVIJEST

SAOPĆENJE ZA MEDIJE

Bosanska Krupa, 22. august 2026. godine – Na zahtjev Službe civilne zaštite Grada Cazina, pripadnici Dobrovoljnog vatrogasnog društva Bosanska Krupa danas su, u periodu od 06:00 do 12:00 sati, bili angažovani na osiguranju prilaza i prostora za uzimanje vode helikoptera na području korita rijeke Une, između slapa Karenovo i Željeznog mosta u Bosanskoj Krupi.

Navedene aktivnosti realizovane su za potrebe gašenja šumskog požara u rejonu Male Gomile. Na lokaciju su upućena tri vatrogasca DVD Bosanska Krupa, opremljena radio-komunikacijskom opremom, s ciljem uspostavljanja i održavanja komunikacije u zračnom sektoru, kao i osiguranja sigurnog i koordiniranog odvijanja aktivnosti letjelice.

Nakon prijedpodnevnog dijela akcije gašenja, u kojem su učestvovali letaćki sastav Oružanih snaga Bosne i Hercegovine i Civilna zaštita Grada Cazina, materijalni i ljudski resursi DVD Bosanska Krupa angažovani su i direktno na požarištu. Zadatak pripadnika DVD Bosanska Krupa bio je koordinacija te selektivno navođenje letjelice do samih požarišta.

Po dolasku na požarište i nakon uvodnog brifinga sa letaćkim osobljem Oružanih snaga BiH, pripadnici DVD Bosanska Krupa upućeni su na čelo požara, odnosno u rejon južne strane Velike Gomile. Zahvaljujući adekvatnoj pripremi, preciznoj koordinaciji i profesionalnoj saradnji svih angažovanih službi, uspješno je suzbijeno širenje požara na ovom dijelu terena.

Po završetku poslijepodnevnih aktivnosti gašenja južnog dijela požarišta, obavljen je debriefing sa letaćkom posadom Oružanih snaga BiH, tokom kojeg su analizirane provedene aktivnosti i definisani daljnji koraci.

Apel građanima i korisnicima rijeke Une

DVD Bosanska Krupa upućuje apel stanovnicima, ribarima, kupcima, rafting agencijama, kao i svim korisnicima plovila na rijeci Uni, da svoje aktivnosti prilagode operacijama letjelice i aktivnostima koje se provode u okviru gašenja požara.

Posebno je važno omogućiti nesmetano i sigurno uzimanje vode iz rijeke Une, kako bi se izbjegli neželjeni incidenti i ugrožavanje sigurnosti letaćke posade i drugih učesnika u operaciji. Nepoštivanje sigurnosnih mjera može rezultirati intervencijom i sankcionisanjem od strane Policijske stanice Bosanska Krupa, u skladu s važećim propisima.

Također, posebno upozoravamo operatere bespilotnih letjelica (dronova) da su letovi dronovima iznad i u blizini područja na kojem djeluje helikopter zabranjeni. Prisustvo bespilotnih letjelica u zračnom prostoru može direktno ugroziti sigurnost leta, planirane aktivnosti gašenja, kao i živote članova letaćke posade.

Aktivnosti se nastavljaju 23. Augusta.

Aktivnosti letjelice Oružanih snaga Bosne i Hercegovine nastavljaju se i 23.08.2026. godine, od ranih jutarnjih sati, s početkom u 06:00 sati, na području Male Gomile i rijeke Une, a u kojem će im asistirati 2 ekipe pripadnika DVD Bosanska Krupa, prva na osiguranju prilaza i aktivnosti uzimanja vode a druga na području sjeverne strane Male Gomile, gdje će nastaviti koordiniran rad i aktivnosti navođenja letjelice u tom rejonu.

Sigurnost svih učesnika operacije i građana zajednička je odgovornost.

Stoga još jednom apelujemo na građane da poštuju izdata upozorenja i sigurnosne mjere, te da svoje aktivnosti na i uz rijeku Unu prilagode operacijama gašenja požara iz zraka.

DVD Bosanska Krupa zahvaljuje se Oružanim snagama Bosne i Hercegovine i Civilnoj zaštiti Grada Cazina na ukazanom povjerenju.

Zajedno – u službi zaštite ljudi i prirode.

Pripremila i obradila: Stručna služba DVD BOSANSKA KRUPA.

Obradila i pripremila:
Stručna služba DVD-a Bosanska Krupa
Kontakt: 062/262-614
Dostavljeno:
a) Naslovu
b) U spis predmeta



Naše slobodno vrijeme za Vašu sigurnost!
NA POMOĆ! VATRU GASI! BRATA SPASI!
Predsjednik vatrogasnog društva
Kenan
mladi vatrogasni oficir Kenan Mulalić

ID broj: 4263698940005

Žiro-račun: 198-501-105-000-44-66

KIB banka filijala Bos. Krupa

Stranica 1